

一 國方志叢書·華中地方·第八一一號

據

清·陳蘭森等修，謝啓昆等纂
清乾隆五十四年刊本

影印

江 西 省

南昌府志

(六)

成文出版社有限公司印行

南昌府志卷二十八

祥異

洪範九疇次八曰驗用庶徵脩省之責下逮庶尹天道遠而人事邇蓋不可不慎也自伏生作五行傳班史而下踵其說各有事應或失之鑿沈約作符瑞志或失之夸矣方今年穀順成和平康樂雖有偏災而

賜租賑貸撫卹救弭靡不備至太和翔洽在宇宙間蒸黎熙皞登春臺而躋壽域龐眉駘背者歲不絕書又奚必侈言景星慶雲鳳凰芝草以爲瑞哉

漢

哀帝建平中豫章有男子化爲女子嫁爲人婦生一子長
安陳鳳言此陽變爲陰將亡繼嗣自相生之象一曰嫁爲
人婦生一子者將復一世乃絕

漢書五行志

按南昌爲歷代州郡府治故援引多以豫章之名專屬
南昌不知隋以前豫章地廣不得以南昌一府當之也
府縣舊志凡史籍之稱豫章者皆相沿編載仍之既久
削之則無所歸附姑存之以待脩通志者擇焉

明帝永平十三年白鹿見南昌

省志

永平末豫章遭蝗穀不收民饑死縣數千百人

後漢五行

志注

章帝元和二年白鳥見南昌時李儀爲太守

省志

元和三年海昏縣出明月珠大如雞子圓四寸八分

古今注

按舊志作晉武帝泰始二年誤

安帝永初六年夏六月壬辰豫章員谿原山崩各六十三所

後漢五行志

元初六年南昌芝草生

通鑑綱目

順帝永和間豫章太守孔竺臨郡三月白雀出南昌

藝文類聚

甘露降豫章郡門時陳蕃爲太守

舊志

吳

黃武七年豫章黃龍見

省志

會稽王五鳳二年赤雀見豫章

舊志

景帝永安六年赤雀見豫章

文獻通考

晉

武帝太康元年豫章生嘉禾龍見於建昌七里汀立祠祀

之後禱雨輒應

省志

按舊志削龍見於建昌以下十七字意殆以建昌爲今
建昌府不知晉豫章郡建昌卽今奉新縣建昌府之名
則自宋太平興國四年立建昌軍始也

太康三年白雀見豫章

玉海

太康五年嘉禾生豫章南昌

宋書符瑞志

太康七年七月庚午白雀見豫章

宋書符瑞志

木連理生

豫章太守蘭隸以聞是年豐城得寶劍劍曰龍泉曰太阿
初有紫氣見牛斗間雷煥以爲寶劍之精因掘獄中石函
得之

省志

按晉書張華傳華以斗牛之間有紫氣問豫章人雷煥
煥以爲寶劍之精在豐城華曰吾少時有相者言吾年
出六十位登三事當得寶劍佩之斯言豈效與卽補煥
爲豐城令煥掘獄得劍二是時華年當已逾六十故有

斯言當效之語華卒於永康元年年六十九上距太康七年十有五載華始五十四歲與年出六十之語不合通志謂得劍於太康七年豈別有所據耶

永興元年彩雲覆豫章甘露降麒麟見是年石陽地震水

湧山崩

省志

永興二年蝗大饑

省志

懷帝永嘉六年七月豫章郡有樟樹久枯是月忽更榮茂與漢昌邑枯社復生同占是懷愍淪陷之徵元帝中興之

應也

晉書五行志

永嘉末豫章有大蛇長十餘丈斷道過者蛇輒吸之吞噬

百人吳猛與弟子殺蛇猛曰此是蜀精蛇死而蜀賊當平

旣而杜弼滅

豫章書

按許遜傳海昏有巨蛇遜仗劍斬之此云弟子當屬遜

武寧縣志

元帝大興元年正月戊子麒麟見豫章二月廬陵豫章西

陽地震山崩十二月廬陵豫章武昌西陵地震湧水出山

崩千寶以爲王敦陵上之應也

晉書五行志

大興二年夏五月蝗

豫章書

大興三年正月白鹿二見豫章

宋書符瑞志

按孫氏瑞應圖白鹿作白虎

成帝咸和二年春二月南昌有騶虞見省志四月己未豫

章地震是年蘓陵作亂宋書五行志

咸康五年豫章南昌民掘地得銅鐘四枚太守褚裒以獻

宋書符瑞志

穆帝升平四年春二月辛亥鳳凰將九雛見於豐城舊志

按宋書符瑞志云升平四年二月辛亥鳳凰將九子見

鄖鄉之豐城考穆帝升平五年分蒼梧立永平郡有鄖

鄉縣宋元嘉時立豐城縣

豐城本吳縣屬蒼梧郡宋永平初併入安沂元嘉復立

故曰鄖鄉之豐城合晉宋邑名言之最爲明晰通考但

曰豐城遂轉相抄襲誤爲晉豫章郡之豐城而不知其

遠不相及也故特著而辨之

簡文帝咸安二年三月白虎見豫章南昌縣西鄉石馬山

前宋書符瑞志三月騶虞見舊志

孝武帝太元十四年十一月辛亥白虎見豫章郡宋書符

瑞志豫章桐木連理太守范甯表聞舊志

表曰永脩公國相萬主解列到縣巡行邑治縣西北出二
里有林中兩桐樹下根相去一丈上枝相去丈八連合成

按范甯表見藝文類聚未載年月舊志作大元六年范
甯出守豫章在太元十四年冬十一月則作六年者誤
省志作十四年較得其實但以此事列於辛亥白虎見

之前亦誤蓋辛亥卽月朔寧尙未至郡也

太元十六年太守范甯獻白鹿一頭

晉書起居注

安帝義熙七年五月白雉見豫章南昌

宋書符瑞志

義熙中豫章郡吏易拔還家不返郡遣使追拔語言如常
亦爲設食使者迫令東裝拔因語曰汝看我面乃見眼目
角張身有黃斑色便豎一足徑出門去家先依山爲居一
至麓卽變成三足虎豎一足卽成其尾

異苑

宋

文帝元嘉五年秋夕豫章胡充家有大蜈蚣長二尺落充
婦與妹前令婢挾擲纔出戶忽覩一姥衣服臭敗兩目無

晴異苑

元嘉二十一年白雀見南昌

豫章書

元嘉二十二年豫章豫寧縣出銅鐘江州刺史廣陵王紹

以獻

宋書符瑞志

元嘉二十六年夏四月甘露三降豫章

舊志

元嘉二十七年四月乙卯丙辰丁巳甘露頻降豫章南昌

戊午午時天氣清明有彩霧映覆郡邑甘露又自雲降太

守劉思考以聞

宋書符瑞志

孝武帝大明元年十月丁丑朔木連理生豫章南昌

宋書

符瑞志

明帝泰始二年嘉蓮一雙駢花並實合樹同莖生豫章醴

湖玉海

泰始五年五月壬戌豫章南昌獲古銅鼎容斛七斗江州

刺史王景文以獻

宋書符瑞志

泰始六年十二月壬辰木連理生豫章南昌太守劉惔之

以聞

宋書符瑞志

按省志云鼎上有篆文

齊

武帝永明五年三月豫章縣長岡山獲神鐘一枚

齊書祥

瑞志

東昏侯永元三年正月豫章郡天火燒三千餘家京房易
占曰天火下燒民屋是調亂治殺兵作是年臺軍與義師
偏衆相攻於南江諸郡

齊書五行志

梁

武帝天監六年夏六月新吳縣獲四目龜一

豫章書

唐

高祖武德六年慶雲見洪州

省志

許敬宗表賀云臣某等臣聞靈心不測叶至道以升聞上帝無聲侯休明而降祉同夫影響在感斯通相彼天心實交其際伏惟皇帝陛下垂光御極體睿凝圖始自憂勤寧羣飛於海外賜之仁壽拯塗地于寰中總絕代之英聲實典爲之美政三秦咸泰六府斯歌首冠往初功無取譬德澤其二儀運清明與七曜齊光是以邇無不安遠無不

祥異

而請吏上騰下漏天平地成嘉氣內充卿雲以之舒彩盛
德外發非烟由其散色竊見守洪州長史張惟善等稱六
月二十六日于城內見慶雲自旦及申然後方散謹按瑞
應圖曰慶雲者太平之應孝經援神契曰德至山陵則慶
雲出景又曰天子孝則慶雲見金枝玉葉若臨軒帝之營
蕭索氤氲復入唐臣之咏自非工倖造化道格上元光含
六幽恩流四海安能致茲神感式彰靈貺元黃間起朱紫
相輝千載合符如斯之盛也雖復駢枝合穎匹此爲輕絳
雪元霜會何足喻凡諸率土預在肖形沐浴皇風用源鳧
藻况以臣等謬忝衣簪旦夕巖廊親聞錫瑞相呼并躍實百常情不勝悅豫之至

太宗貞觀十五年洪州獻元珪

玉海

貞觀二十二年洪州言慶雲見

冊府元龜

貞觀間洪州馬老叅入南山化爲虎至二十三年復爲人

而終
省志

高宗麟德二年新吳望蔡得白麋各一有司以獻是年詔

置寺觀以銀麋爲名

舊志

武則天后時洪州進大象牙剖之牙中有二龍形相攫而

立

舊志

元宗開元五年洪潭二州災火延燒郡舍郡人先見火精

赤噉飛來旋即火發

舊唐書五行志

按新唐書五行志郡舍作州署郡人見火精赤噉作州

人見有物赤而噉噉

開元十八年洪州得白鹿刺史張九齡表獻

舊志

代宗大厯間豫章有仙鶴巢於大果寺樹

省志

德宗貞元元年嘉禾生洪州或五莖四穗或兩莖三穗或

一莖二穗

省志

貞元十年洪州溪澗魚頭皆戴蚯蚓

豫章書

順宗永貞二年七月洪州火燔民舍萬七千家

舊志

按新唐書五行志及文獻通考並載此於德宗貞元十

九年後憲宗元和七年前而於二年上不著年號省志

舊志直以爲順宗永貞二年不知順宗於貞元二十一

年卽位後遂傳位憲宗改元永貞踰年正月丙寅朔憲

宗率羣臣上尊號尙稱永貞二年

見韓文公順宗實錄
丙寅朔實錄作丙戌

朔以前後甲子推之
皆不合實錄誤也

丁卯卽改元元和矣秋七月安得